

O edil Antonio Fernández Comesaña (UCN) rexeita [as acusacións vertidas polo alcalde Alberto Valverde o pasado fin de semana](#),

de ser causante e copartícipe en tres procedementos xudiciais entaboados contra o concello. Fernández sinala nun comunicado que a súa responsabilidade cando ocupaba o cargo de concelleiro de Servizos Urbanos e infraestruturas de Nigrán, só deu conformidade" a algunha das facturas reclamadas e que non foron pagadas no seu día".

"Declaracións realizadas de mala fe", puntualiza Fernández, "xa que o Sr. Valverde sabe ou debería saber, que os concelleiros non teñen competencia na aprobación de gastos nin na ordenación de pagos, competencia exclusiva do alcalde, e que si este non ordena o pago dunha factura conformada por un concelleiro, non pode pretender derivar a súa responsabilidade noutros, como tampouco pode facelo sobre os funcionarios que tamén conforman as facturas".

"Ou é que pretende responsabilizar tamén aos concelleiros do seu goberno que asinan facturas e que logo el como alcalde non paga? O seu delirio é moi preocupante", remata o edil da UCN.